



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliæ Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

17. An Papa possit errare in Beatificatione Sanctorum? Ex p. 11. tr. addit.  
2. res. etiam 17.
- 

[urn:nbn:de:hbz:466:1-76442](https://nbn-resolving.de/urn:nbn:de:hbz:466:1-76442)

In solemnitate, inquit, insaniz est dubitare de eo, quod facit Ecclesia. Sed Ecclesia inuocat, & honorat Sanctum canonizatum, ergo, &c. Bernardus epist. 174 ad Canonicos Lugdunenses, loquens de festis Sanctorum, ait: Ego quod accepi ab Ecclesia, id teneo. Denique ratione probatur. Romanus Pontifex pastor vniuersalis Ecclesiae præcipit inuocare, & honorare Sanctum canonizatum: Ergo non licet dubitare, quod sit honorandus, & inuocandus.

## RESOL. XVI.

*Respondetur ad argumenta contraria?* Ex tract, addit. 2. Ref. etiam 16.

§. 1. **A**d argumenta verò in principio superioris resolutionis adducta, ad primum respondeo, illud bene concludere de homine priuato, priuatam solum, naturaleme notitiam habente. Ita namque illud Apostoli accipendum est: *Quis hominum scit, qua sunt hominis; nisi spiritus hominis, qui in ipso est?* Verum sicut in ea sententia non excluditur Deus: dicitur enim, quis hominum scit: Ita ne amici eius excludi debent, quibus ipse secreta sua reuelat, quando, & quibus vult: Iuxta quod codem capite 2. ad Corinth., ait Apostolus: *Nobis autem reuelauit Deus per Spiritum suum. Quoniam ergo Pontifex in canonizatione Sanctorum non procedit secundum solam naturalem notitiam, sed attendit diuina testimonia, qua sunt, vita sancta, mores, & miracula per eorum merita, vel inuocationem facta, ac insuper particulariter à Spiritu S. dirigitur;* vnde B. Thomas quodlib. 9. artic. 16. respondet, quod Pontifex potest certificari de statu aliquius per inquisitionem vite, & attestationem miraculorum, & præcipue per instinctum Spiritus sancti, qui omnia scerutatur, etiam profunda Dei; Idè Pontifex non potest in isto errare.

2. Itaque argumentum procedit, si Pontifex non præferueretur ab errore: Diuina autem prouidentia præteruerat Pontificem, ne in Sanctorum canonizatione per infallibile restimonium hominum fallatur. Et quamvis fieri possit, ut non omnia, qua de vita aliquius narrantur, vera sint, aut certa; vnde & contingit correctionem in historiis fieri, certum tamen est ea vera esse, qua ad canonizationem sufficiunt: Ideoque ipsa canonizatio vera est, ac certa.

3. Vnde dicendum est, afferentem Pontificem in canonizatione Sanctorum posse errare, non esse tanquam hæreticum absoluè damnum: quia non affirmat aliquid, quod contrarium sit his, qua Ecclesia recipit tanquam de fide certa absque vila controvèrsia Doctorum. Videmus namque Canum, Bañez, & alios in principio relatos sentire de fide non esse, Pontificem errare non posse. Ergo Ecclesia non defendit tanquam de fide certum sine vila controvèrsia. Quocirca ea maiori probabilitate, & certitudine, quam existimamus de fide esse Pontificem in canonizatione Sanctorum errare non posse, ea affirmandum est, hæreticum esse qui negaret.

4. Et quidem credendum est, Pontificem in canonizatione Sanctorum vti testimonio humano, non vt motiu credendi, sed vt conditione explicante testimonium diuinum in Sacris Scripturis vniuersaliter reuelatum de omnibus, qui in gratia Dei moriuntur. Ade huiusmodi testimonium esse publicum, cui ex speciali prouidentia Deus assisteret tenetur, ne si illud fallum sit, tota Ecclesia errare possit. Confirmatur, nam etiam in hac, vel illa scriptura canonica propon-

nenda, in hac, vel illa traditione Apostolica declaranda, vti Pontifex, vt condicione explicante, publico testimonio humano Ecclesiaz.

5. Ad secundum argumentum, non obest quod ex Augustino solet obisci: *Multa corpora honorantur in terris, quorum animæ torquentur in infernis;* Etenim Bellarminus dicit se in Augustino non potuisse talia verba inuenire, habent prætexta facilem explicacionem, vel vt de corporibus, qua fortè per errorum sunt supposita loco corporum veri Sancti, vel de corporibus Principum & Magnatum aliquorum, qua splendidissimi sepulchrals habentur in veneratio-ne, & tamen multorum ex illis animæ sunt in Inferno: vel fortè de eis, qua apud multos habent nomen sanctitatis: Hussium enim Hussites colunt, vt Martyrem, Lutherum sui venerantur ut Sanctum, &c. vel certè inter Catholicos aliqui in hoc, aut illo priuato loco censentur Sancti, qui reverè non fuere, sed peccatores; ad quorū canonizationem nunquam Deus Papam permittebat accedere.

6. Itaque negrandum eam sententiam in Augustino repertum. Quamquam non negemus impios posse sepulchrals honorari, aut aliquos posse particulariter ab aliquibus tanquam Sanctos coli, qui Sancti non sunt, sicut contigit erga illum, de quo loquebatur Pontifex in cap. *Auditum*, qui sine Rom. Pontificis consensu colebatur; neque negamus, quin tales possint in Martyrologium intrudi; sicut intrusus fuit Eusebius Cælensis pro Eusebio Samosateno, vt docet Baronius ad 21. Junij, quomodo, & quemdam Marcum Arethosium Arianum in *Gracorum Menol.* fuisse intrusum ostendit 29. Martij. Sed negamus aliquem eiusmodi posse toti Ecclesiaz Sanctum proponi, & canonizari ab eo, cuius est, Sanctos canonizare, id est à Romano Pontifice.

## RESOL. XVII.

*An Papa possit errare in Beatificatione Sanctorum?* Ex part. 11. tract, addit. 2. Ref. etiam 17.

§. 1. **S**uppono, quod differt canonizatio à beatificatione, quod canonizatio est per modum definitionis, & ultime sententia à Pontifice latè de sanctitate, & gloria canonizati toti Ecclesiaz propositi. Beatificatio verò est indulgentia, seu concessio Pontificis facta aliqui Provinciae, vel Religioni, vt possit aliquis defunctus Beatus appellari, & que cultus aliquis exhibeti, qua beatificatio solet esse via ad canonizationem. Colligitur hoc discrimen ex forma ipsa, qua Pontifices vntuntur in Bullis canonizationis & beatificationis. Nam in Bullis canonizationis vntuntur verbis: *Definimus, decernimus, mandamus, vt appareat in Bulla Sancti Francisci de Paula, qua à Suriō refertur in eius vita;* & in Bulla Sancte Theresie edita à Gregor. X V. Therefiam inquit, virginem de Abula, de cuius vita sanctitate, fidei sinceritate, & miraculorum excellentia planè constabat, & constat, ac sanctam esse definitus, decernimus, & adscribimus, illamque vniuersos Christi fideles tanquam veram sanctam honorare, & venerari mandauimus, & mandamus, statuentes, vt ab vniuersali Ecclesia in eius honorem Ecclesiaz, & altaria, in quibus sacrificia Deo offerantur, ædificari, & consecrari, & singulis annis die 5. Octobris, quo ad Coelestem gloriam translata est, eius officium, vt de sancta Virgine ad prescriptum Romani Breuiarij celebrari possit.

2. In Bulla verò beatificationis vti solent verbis: *Concedimus, indulgemus, &c. vt constat ex*

Bulla

## 358 Tract. V. De Infallibilitate Decret.

*Bulla beatificationis B. Francisci Borgia Societatis Iesu, edita ab Urbano VIII. Nos inquit, supplicationibus inclinati de Cardinalium sacris ritibus præpositorum consilio, ut Dei seruos Fráscus Borgia Beatus numerupari, dèque eo ab omnibus dicta Societas Iesu Religiosis vbiique existentibus, necnon in titionibus familiæ illorum de Borgia ab omnibus Sacerdotibus tam facultibus, quam Regularibus Kalendis Octobris, ipso nempe die sui obitus, Missa celebrari, ac Officium de communi Confessorum non Pontifici recitari, iuxta rubricas Missalis, & Breuiarij Romanij respectuè, liberè, & licite valeant Apostolica authoritate, tenore præsentium perpetuò concedimus, & indulgemus.*

3. Hac supposito, alicui videbitur, Pontificem in beatificatione Sanctorum errare posse, etiam in canonizatione liber ab errore sit; quia ex hoc errore non sequitur, vniuersalem Ecclesiam errare, siquidem non proponitur vniuersali Sanctus ille condens.

4. Sed contrarium omnino tenendum est, quia eti non proponatur talis beatificatus colendus toti Ecclesiæ, proponitur tamen alicui Regno, vel ordini. In his autem, vel similibus decretis, eti non respiciant vniuersalem Dei Ecclesiam, non potest esse error, eti respiciatur sola vna prouincia, vel Regnum, vel Religio; vndè etiam probetur noua Religio à Sede Apostolica, nec in his error accidet, & ab omnibus id indubie tenendum est.

5. Confirmatur, quia talis propositio facta particuli Ordini, vel Regno, est res etiam pertinens ad Religionem, & cultum. Ergo nullus interuenire potest error, sicut nec in decretis morum. Tandem à simili; nam ex errore in canonizando, sequuntur magna incommoda, qua sequentur etiam si nō esset infallibilis, & certa ipsa beatificatio. Accedit, quod Pontifex non potest errare perniciose condendo aliquam legem; etiam illam ferat pro particulari Ecclesia, vt rectè monstrat noster Bañez *in hoc casu. 2. 2. q. 1. art. 3. dub. 6.*

6. Deinde ad talem declarationem Pontifex vtitur graui examine, ne se Deus permittat errare. Secundò, quia etiam implicitè videtur definire, seu faltem supponere, cum esse in Cœlo. Tertiò, quia licet Diuinum officium, sacrûmque non concedatur omnibus pro tali Beato; tamen omnibus iam in Ecclesia licet se illius precibus etiam publicè commendare, cùmque Beatum vocare, & pro tali reputare, non est autem credibile, Deum permisurum in re tam graui, totam errare Ecclesiam: Ergo omnino certum debet esse, Papam non posse in beatificatione errare.

7. Deinde Doctores loquentes de canonizatione, & affirmantes pontificem errare non posse, nihil de beatificatione scripsérunt: ergo signum erat sub canonizatione voluisse beatificationem comprehendere. Secundò, Pontifex beatificans Sanctum aliquod Missæ sacrificium in illius honore celebretur, toti Ecclesiæ venerandum proponit, quia nomine totius Ecclesia sacrificium offertur: Ipsaque tota Ecclesia medio illo Ministro, & sacrificio ab illo oblato sanctum illum veneratur: sed in his, quæ pertinent ad cultum vniuersalis Ecclesiæ, errare non potest Pontifex. Ergo & ex his patet solutio rationis dubitandi. Negamus enim non sequi vniuersalem Ecclesiam errare, si eret Pontifex in beatificatione. Nam licet à Pontifice non proponatur venerandus per vniuersal Ecclesiæ ministros proponitur tamen venerandus ab vniuersali Ecclesia per speciales aliquos ministros, & hoc sufficit, ut Ecclesia ipsa errare dicatur.

8. Dicendum est itaque, Pontificem non posse in huiusmodi beatificatione errare, sic nimis, ut illum declareret esse beatum, atque ut talem honorandum, qui Beatus non sit, quoniam eti beatificatio solum sit particularis canonizatio, & cultus in ea permisus restringatur, continet tamen declarationem beatitudinis, & gloriæ eius, qui beatificatur. Quod autem eiusmodi declaratio possit esse falsa, magnum est inconveniens, quia hoc cederet in vilipendium Ecclesiæ, & in contemptum potestatis Summi Pontificis.

9. Adde, quod si posset fieri, quod is non sit Beatus, quem Pontifex Beatum declararet, dum vult eum honorare, ipsum beatificando, noceret illi, impedit enim, ne pro illo fierent suffragia, & consequenter ne à peccatis purgatorij citio liberaretur. Sic enim iniuria est pro Martyre orare, cuius nos debemus orationibus commendari, ut loquitur August. serm. 17. de verbis Apostoli: Ita pro aliis, quos cum Christo regnare tenet Ecclesia; nemo prudenter orbit, ut à peccatis purgatorij liberentur, iuxta Innocentium III. cap. Cum Martha sit de celebratione Missarum.

### R E S O L . X V I I I .

*Qua certitudine tenendum est Papam non posse errare in Canonizatione Sanctorum.  
Et esse de Fide probatur; Ex part. 11. tractat. addit. 2. Ref. etiam 18.*

§. 1. R Espondeo, quod aliquorum sententia fuit, posse Pontificem quoad canonizationem errare; & multò magis quoad beatificationem. Est Caetani to. 1. opusc. tr. 15. de indulgentiis. ad Iulium Mediceum cap. 8. ad vlt. Melchioris Cani lib. 5. cap. 5. qu. 5.

2. Hac opinio prorsus est reprobanda; vndè meritò P. Ariagai in curs. Theol. 10. 5. disp. 9. scilicet 5. n. 31. miratus est valde Caetan, qui non solum negat esse de fide, Papam non posse errare, sed absolute docet, eum posse errare: Sed hanc doctrinam censet hoc tempore ad minimum esse erroneam, & temerariam.

3. Explosa itaque hac opinione, alia docet Pontificem neque in canonizatione, neque in beatificatione errare posse: id tamen diuina fide certum non esse. Ita Bañez 2. 2. in breviariis in comment. dub. 7. conclus. 2. Malderus dub. 6. preposit. 4. Suarez disp. 5. scilicet vlt. num. 8.

4. Quibus adde doctissimum Magistrum Ioannem de S. Thoma in 2. 2. D. Thom. disp. 9. art. 2. fol. 767. & ex Societate Iesu Granadum in 2. 2. D. Thom. contr. 1. tract. 7. disp. 3. scilicet 3. num. 24. & Franciscum del Castillo in lib. 5. sent. tom. 2. disp. 16. quast. 8. num. 25. qui tamen num. 23. affirmerat temerarium, impium, scandalosum, atque quodammodo sapit hæresim, negare esse beatam animam Sancti canonizati.

5. Et probat singula; nam quod sit temerarium, est manifestum, quia est contra torrentem omnium fidelium in materia graui; quia omnes verbo, & operè fatentur sanctitatem, & beatitudinem animæ illius, qui à Romano Pontifice est canonizatus. Quod sit impium, patet, quia est contra Religionem, & cultum Sancti canonizati. Quod sit scandalosum, probatur; nam quis non scandalizabitur audiens Wicleph dicentem animas Beati Augustini, Benedicti, & Bernardi esse damnatas, propter quod ipse, & eius sententia (quantum ad hoc, non ut hæretica sed ut offensiva piarum aurium, sicut & alia ipsius propositiones)